

續修鎮番縣志

卷十二
辰

180.123

41

6



續修鎮番縣志卷之十一

補錄拾遺雜記

段 珽處士琬之弟明初鎮番無學珽食廩洮陽開學
後撥歸鎮番成化十四年首膺歲貢官至河南鄭府
教授吾郡學校開先自公始 採舊志

文 朴字含錦成化十一年舉於鄉官至山西浮山縣
知縣鎮邑科目開先自公始 採舊志

孫克明字鑑涵康熙三十九年進士官至湖廣通城縣
知縣國朝河西甲第開先自公始 採舊志

續修鎮番縣志

卷十一

一

盧生薰字文馥號月湄雍正元年欽點翰林院庶吉士
二年歿於京邸國朝秦隴翰苑開先自公始 採舊志

鎮番學額向隸小學歲科各八名武學八名雍正二
年川陝制府觀風全秦盧氏生華兄弟俱列高等主
司歎賞文聲彪裸遂復奏開大學其盧氏文卷總批
云人在長城以外文居諸夏之先歷閱諸名作令人
作武陵桃源之想其文章之動人如此

盧公生華恭表懷遠將軍心言李公殉難紀略

康熙五十三年西彝猖獗 聖祖仁皇帝命將西征

天戈所指逆賊聞風遠遁但剽掠舊習有時乘間竊發五十七年將軍額統領滿漢官兵分路進勦我心翁老長兄先生以新城守戎為涼州總鎮康公先鋒將胆識過人謀勇兼裕不惟腹有甲兵抑且手爛刀法每提刀入陣千軍如掃破賊數十餘合皆公為之前矛凡其帷幄參謀軍中倚為頗牧木魯烏素地方業已三箭蕩平厥後軍令戒嚴必期乘勝深入偶為逆彝所陷康公死焉公遂誓謂同行將士以必死之心畢力血戰惟公血流遍體矢石刀戟之傷身無完

肉猶帶血拖腸出入賊陣中數十餘合殺傷無算時八月二十一日自辰至酉矢盡馬疲公乃北拜君親俄而陣亡飛將人痛子車大業未成英雄立潰悲哉我皇上御極之始軫念死節功臣特頒溫旨遣官賜祭宸章惻惻當年赤心如揭公其雖死猶生矣公考誥封將軍白土關叅戎我長親蟾枝太翁也當日讀書肄業時朝夕最以許身報國大義公乙酉擢武闈第一遂効忠至斯聞其死之日惓惓以老母在堂為憾事由今觀之報君致主者此一死繼

志述事者此一死完科名之素志重青史之芳名者
又何非此一死夫死于床第妻子之手者草木同朽
死于疆場鋒鏑之中者日月同光馬革裹尸之雄風
鞠躬盡瘁之大義其再見于史書矣 御祭頒時鄉
黨傳為盛事丐余為言余誼忝至親分當修史錄節
旌忠固余所有事也故珥筆為之聊當公殉難之紀
略云爾

清雍正三年翰林院修撰金沙于振題邑翰林盧月
湄先生墓誌

續修鎮番縣志

卷十一

墓誌

三

鎮番自有明以來幾四百餘年始有一瓊林人物而
期頤耄耋者代不乏人孰難孰易判然著矣乃

月湄盧老先生不難于為四百餘年未有之人文而難
于為頽白之老不亦異乎按狀公太翁熙翁太先生
之五子也太翁以宿學儒終老布衣維時諸公龍文
蔚起太翁科目雄心不能及身而顯者舉鍾結于中
才一輩一時燕山義方之教與八龍五鳳之美相得
益彰而于門必大之勢已卜之此時矣厥後三君首
倡衣鉢一綿金針諸昆疊授小試大試一一取諸左

券而公更靈根性具五歲讀書八歲行文未十歲而
斐然成章總角而青矜在握矣以丁外艱故再閱考
而始經歲試時冢宰太傅公朱視學秦中公與四公
首擢廩餼一門弟姪之蟬聯採芹者累若貫珠以後
公車數上點額龍門者凡幾次甲午以壁經與四公
聯擬賢書而公以邊額屈抑副元此時公已勢成破
竹甲午庚子之交聿號科名盡在公昆玉一門公與
六公更聯芳于癸卯改元一科曉後即就近北上公
遂聯魁藥榜傳臚二甲瓊林之選蒙 聖恩特加珍

續修鎮番縣志

卷十一

墓誌

四

重 欽試內殿公文字舉列上考 諸大臣又以考

友交章薦剡而昆玉家風俱轟揚 陛下厥後讀其

文仰見其丰采者誰不欽為本朝一代人文詎料三

年之館未授而兩楹之夢已成一代文章長埋荒塚

千秋人物遠吊湘濱嗚呼公生于康熙二十八年已

巳二月二十一日寅時 欽選翰林院庶吉士年享

三十六歲于雍正二年甲辰十月初十日子時以疾

卒于京任奉 旨賜扶柩勘合給夫十二名馬二匹

車一輛 禮部給回籍入城治喪咨文雍正三年二

月初八日靈柩回籍太先生先公卒太夫人劉太孺
人同邑武孝廉虎公女俱以公職 贈封兄四長生
蒲先公卒次生苾三生華庚子科舉人四生蓮甲午
科舉人俱揀選知縣弟一生英癸卯科舉人揀選知
縣元配魏孺人同邑故庠生若符公女以公職受封
過繼長兄子一熾聘同邑庠廩許公璜女親子一幼
未聘女一未字今擇于四月初六日側太先生之塚
旁卜新塋以葬之爰誌其生平履歷而為之銘曰八
代文章千金駿骨雖淪沒兮香風勃勃金井鬱葱佳

續修鎮番縣志

卷十一

五

城突兀龍虎之穴風雲之窟永廕兜孫千秋紳笏
翰林京官張考等題月湄盧公生薰行狀

國家景運昌隆純禧累洽蔚為一代人文金薤琳琅之
筆錯落瓊林雖有明之王唐歸胡不聞少遜一籌求
其獨高千仞更上一層集百代之大成為文章之山
斗俾海內才人學士驚嘆觀止者慕盧先生而後誰
復足語於此也月湄老先生以秦西邊士辟易關隴
崛起清班仙才妙品橫絕一時更駕慕盧先生而過
之人間學海天上文昌公之付託重矣哉乃瓊林甫

一載人曰鼎鼎之初肇吾曰斯文之在茲而公則曰書債畢矣吾復何所冀于世而豈知世之所賴於公者方鉅哉公少聰穎過人太翁老先生家教嚴密一門昆仲皆以髫年馳譽文壇而公尤稱最館閣諸同人每奉使視學秦中覽公昆玉才名輒索摸暗中回館後逢人說項以為異日駿市之卜但悉限于甘肅額號之資格不能一科並發遺珠勢所不免既而大比歲興破格聯登者非他人曰盧氏某昆蟬聯獨步者非他人曰盧氏某仲甲午庚子以來西秦桂藥

續修鎮番縣志

卷士

六

更無人倖折半枝矣歲癸卯 聖天子特設改元恩科公以甲午副元與弟文曆公復聯一榜維時以邊號故兩美例難兼收主司憐才之極至于特疏題請其文章之奪人賞鑑至此公遂一鼓而前南宮之魁由是聯步焉及其選入史館也雖公文名素著論者總不免邊方之目及讀其文光芒萬丈一時無兩不啻登山觀海 御試館課人人甘拜下風於是本朝一代文人之俎豆爭奉之邊方公座下而兩闈墨藝與夫燈窗雜詠俱膾炙于南北文人齒頰間矣易簣

後嘗就公喪次與公兄文潔公弟文曆公相對慰勉
其才品亦仍然一瓊林 公不過指日間事而卒不
禁悲悼無聊者豈為少一瓊林故哉是故年壽未登
家園遠隔妻子之痛也吾弗痛經綸未展鸞坡虛步
鄉里之悲也吾弗悲吾所悲且痛者天既生絕代文
人不使之為三千學士大振鼓鍾一腔星斗萬斛珠
璣盡付之此邨三尺土中惜哉靈襯旋時荷蒙

聖恩賜以勘合由是郵亭驛路舉吊香魂悲夫悲夫爰
滴淚和墨以當江東渭北之咏

續修鎮番縣志

卷上

七

洪衛主題盧公生薰靈櫬到家行狀

嗚呼天之生才不其難哉萃日星河岳之精華或數
百年而一見或數十年而一出不啻祥麟瑞鳳為人
世所希觀之物較之生常人珍重十倍意天必護惜
之保佑之俾才不虛生初心庶不刺謬乃生才矣而
復使之不獲滿其才之量竟其才之蘊屈抑天折較
之待常人殘刻亦十倍如石曼卿之芙蓉城曹子建
之遮須國生之何心摧之何意自古及今未有不拊
膺神傷者如今日月翁盧老先生亦其一也得令

人歔歔嘆息搔首問天哉憶余己亥夏恭荷簡命
來涖茲土薦紳先生晉接頗多惟公昆玉以文名馳
騁西秦伯仲林立皎皎如玉樹臨風見者有八龍五
鳳之目時公方屈抑副車而器宇深沉氣度軒爽余
即意其為五常中白眉也以窮邊極塞之區有此清
廟明堂之品天之生公豈偶然哉癸卯春御極改
元特開恩科公昆季一榜聯芳自甲午庚子至此兄
弟同胞四登賢書亦極奎聚之盛事矣公復乘風直
上一舉而聯捷禮闈殿試傳臚獨居高甲遂擢瓊

續修鎮番縣志

卷十一

八

林之選時太傅公又以孝友特薦由是公一門金玉
之聲傾動當宁矣公為文根據六經經緯子史天
分人工兩居其最故宏博幽折不隨時徑凡御試
館課屬筆輒傾瀉天河同館諸公無不甘拜下風文
名之盛轟動京師稱為海內第一而公愈沉酣百家
務期讀盡中秘書使天假之年以翊贊皇猷鼓吹文
教其風軌豈在班馬韓歐下哉夫何清班一載而遂
奪之以去噫公之自許與天之酬公其遂止于斯耶
悲哉悲哉天何生公之難而折公之易若是耶是豈

天之數真不可逃而天之心真不可問耶顧吾思公所憾者公之才未大展公之志未大伸公之母未能終養公之子未能成立耳然紫誥黃封太夫人已身膺之榮親惟公矣公不死公之兄若弟舉皆翰院才指日必有疊耀南宮與公後先輝映者公不死公之子雖幼而頭角岐嶷必能繼公之志述公之事不出十餘年復為眉山二子矣公不死短于此長于彼是亦天心之可以預度者也公不亦了無遺憾乎所可痛者魂飛京邸觀返故廬溯音容而太息瞻華表

而感愴悲哉悲哉以與公作長別叙

邑進士王有德等恭表盧月湄先生靈柩旋里

奠樟文

余昔觀於公昆玉文學之炳蔚祖宗世德之源流燕山義方之家教而卜公今日之門第近觀於公一門五桂之家風兩榜聯登之盛勢龍文鳳藻之斗望而卜公異日之經綸乃昔之一卜則驗同影響近之一卜則謬若逕庭登科及第之才則弗屈而益梅黼黻之才則屈之詩禮縹緗之德則償之而壽考遐齡之德則弗償天之可知而不可知也一至此乎公吾郡

文武舊家世職相承名儒輩出自有明以來簪纓凡
十餘傳抵太翁熙翁太老先生生不逢時以文壇宗
匠一衿未獲迺以岐黃擅名一時而太翁卒鬱鬱非
其志嗣君六人矯矯皆火器長次限於貧學業未竟
公居五三文錦公四文潔公六文厝公愈出愈奇由
是太翁全副精神舉在諸公晨燈暮火中間不數年
而三公首倡文幟諸公旗鼓遞起而一門文風勢如
破竹矣公五歲即解讀書授以書籍易如宿曉沉靜
淵默不好逐兒童戲嬉之場蓋大儒局度自孩提而

已然與四公馨而入泮從此小試大試採芹擢廩昆
玉聯芳率以為常既而太翁見皆家計愈艱文鏗愈
銳甲午四公售矣而掄元於副車者更有公庚子三
公售矣而踵接於癸卯改元之恩科者更有公與六
公復拾級而上南宮之魁甲公聯之欽試廷對之前
茅公擢之金昆玉季之家風公顯之而本朝一代之
文名雷動瓊林矣沙漠一隅之鎮番藉以馳名海內
矣是則以公之才品遇合合觀於公之積累家教其
為翊贊千秋之人物明清兩代之一人也何疑胡為

乎清班珥筆之次年即玉樓赴詔之一日辭母公車之一去即骨肉分離之一朝抱病京華無由爰垂白之老母遊魂史館不復顧舉案之家人止憑一二兄弟泣別鵠原也痛哉顧余等所痛者將謂公母老乎而封誥之榮已身膺之子幼乎而千里之品格已預卜之况名孝廉滿座勝概舉不在公下此人人料若龜燭事吾知其不痛也所痛者公爵未公孤身未晝錦年止三十六耳然公逝矣而翰林兩字猶足香人齒頰耀人眉宇則一日而千秋者孰如公壽太翁

續修鎮番縣志

卷十一

十一

貧苦教子與公發憤讀書本念原不在利祿溫飽則朝聞而夕死者孰如公快使公病卧東山相對不過妻子兒女輩安能望一代之文人學士臺閣公卿遠引梁木斯文諸語臨棺悼嘆也則生榮而死哀者孰如公顯至於黃甲之天荒自公關邊隅之資格自公破學校之名額自公廣緣是而賢書甲第縱橫天衢則公之功百世不朽矣更何事可為公痛靈櫬旋里既而將駕余等以與公相慰藉者此時此際也敬奠刑部主司前太倉知州邑進士劉叔堂題母舅盧公

生華奠幃

嗚呼天生夫子與夫子之所以自命豈偶然哉論者以為盧氏一門之文山學海其締造者自夫子姑臧一郡之風虎雲龍其會萃者自夫子即河西五郡之文獻天山瀚海之經傳其開闢而廓清者舉在夫子也固已然而程朱周張之道脉蓋梅舟楫之經綸如吾夫子者當代寧有幾人而僅以孝廉公老耶稽夫子先世自有明以武功世職而詩禮薪傳肇自高曾予曾王父先伯祖蘭圃公文武孝廉也品題人物每

為范陽諸先達首屈一指謂積德之報不於其身必於其後自是而秦晉之盟世以及世我外王母太孺人即我祖姑也歸我外王父熙翁太夫子家徒四壁太夫子以跨灶材俛就岐黃而于門駟馬之家聲欬歔中夜伯舅瑞翁先生為昆仲白眉限於貧未獲卒業偕仲舅馨翁先生經營家業而太夫子乃以高曾堂構盡屬望於夫子矣夫子聰穎過人加以太夫子義方之訓刻無暇晷晷歲屬文即不屑屑於時下蹊經先輩竒之為忘年友已而英鋒脫穎未冠採芹擢

廩選拔拾級而上 廷試天下第三人嗣是而園西諸夫子以曠代軼才騰驤雲路而金針秘鑰則夫子啟之也太夫子不祿未克集成夫子仰承考志策園西諸夫子於燈火之下一如太夫子逮存之日於是園西月湄兩夫子以甲午正副聯芳夫子以庚子鄉薦月湄豹岩兩夫子隨以癸卯一榜同登而月湄夫子復聯步清班翰苑名卿羣推倚馬仙才為 聖朝間出人物由是太華以西玉門以東仰泰山北斗之型者曰四盧大江以南大河以北傳文章八代之盛

者曰四盧月湄夫子赴召玉樓諸夫子左右慈闈息南溟之翮者凡八年 太孺人既終養而園西夫子復於癸丑雋南宮四方學者仰夫子之門墻雲動風從夫子亦力以傳道授學為己任故遍甘涼西夏從遊私淑者踵趾相望皆得以餘唾稱雄展驥則太夫子燕山之功夫子北斗之範諸夫子龍鳳之竒其關係於三秦風氣之升沉國家人材之景運豈僅區區姑臧一邑之文望云爾哉猥陋如堂派係渭陽少長立雪諸夫子視之猶子因得以沾夫子之餘潤倖博

科名其得於夫子之教者夫子之澤也其得於諸夫子之教者無一非夫子之澤也天祚明德嗣有象賢杲如弟辛酉舉於鄉春如弟毛羽已彰瓊林人物方興未艾然則謂夫子以韓歐雄才賢書終老羣相悼惜豈知其事業功名一日而萬年乎癸亥春堂謁選過皋蘭夫子年已近稀設帳黃大中丞署俯伏拜別悲思後會及堂待罪文安而夫子仍屢以手書訓誡詎料尺一之辭竟成永訣之語耶滿擬杲如弟公車北上射策傳臚庶幾喜足償憂稍慰痛懷胡乃失意

之中更加失意泰山梁木之悲豈徒增皋魚之泣哉今因杲如弟歸里過延敬具束芻遙申哭奠兩行血淚寄向故園夫子其遠顧小子而暫秣白駒之駕乎謹奠

清乾隆十六年邑令江鯤題烈婦楊氏墓誌銘

烈婦楊氏鎮番民家女也年十八于歸縣民高日勇高貧無倚挈傭於馮時氏年二十馮承明莫漁色之每媠以語弗聽餌以食弗受一月之間誘惑多端氏已誓有死志矣曾以兄來告之故勸以少待早完工他

逝越月中元後三日承明乘高在田求淫氏正色力
拒終不可犯承明遂遁去夫歸羞語涕泣啼噓詎聲
息已聞於明嫂韓氏韓子大連知其事以為我強於
叔遂於二十日窺氏獨處踰垣而入氏適晚炊力抵
甫脫大連以氏聲揚一手塞口一手釋裙氏且掙且
詈大連頓萌殺機拾堅土投之中其左脇倒地殞命
大連懼禍及舉屍作自經狀而外鍵其門是氏靈之
不昧也迺猶自謂得計趨田間召高給以入室尋物
望見並語踰垣及門鍵狀高不察信為傭主主利集

多人並通氏兄賄乞和高寢其事氏兄玉章告之姑
湯同愬於縣大連走匿余反復研訊承明但服罪不
知傷痕之所自也予思大連潛跡可疑拘而詰之至
兩晝夜始得其實告之上官令發棺視屍顏色如生
傷痕顯著免檢大連亦況首無辭踰年審訖伏罪憲
府以強暴相侵甯死不辱聞於朝得旌准入節
孝祠乾隆十六年七月十六日鼓吹彩仗鄉之紳士
耆老送氏於祠余率拜奠焉以為風化之勸先是高
請移葬高原余於縣之西南擇土而坵樹碑而銘之

曰 哀哉少嬪行芳志烈勉隨夫傭謹持素節力拒
二克甯死不屈貧而有躬堅經百折泥垢茅索覆盆
以雪中幘鬚眉永懷純潔今奉 旨旌揚爰補載於
誌以勵貞守云

涼州知府何德新題邑節婦楊氏墓誌銘

節婦姓楊氏鎮番編氓之息也字同邑高氏子年二九
于歸操勤井臼頗克婦道里有渠戶馮承明者闕氏
少艾意將漁之爰覓傭作氏夫以貧窶無聊偕氏既
傭於馮時戊辰春末氏年纔二十也馮乘高出作屢

以媒語挑氏氏輒莊顏以拒如是已非一日矣其未
殉之先氏兄過存氏泣語故且言將偕壻去此否則
無生還也兄為慰喻再四乃去迨至夏中馮以禾稼
將登慮有竊損遣高出守蓋陽為防守計竇欲伺間
圖氏耳及時值麥秋高獲於田馮遂潛入氏室復為
甘言調之氏遽大聲以斥馮懼而逸詎意馮姪名大
連者壁聽而知因萌邪乘隙踰垣過氏強以相干氏
固堅貞自抱力拒狂且而大連情暴方張即拾塊擊
中要害遂殞命復懼罪及乃以繩繫氏項示若自經

意在嫁禍於承明也逮經縣理廉得情實二克服辜
分別成讞而邑侯江君以氏節堪矜即捐俸扞葬於
城西之隴且為文勒石以紀其事上憲疏請於 朝
於辛未秋七月十六日欽奉 恩旨 旌顯幽潛而
克犯馮大連即於是日斬決馮承明亦擬流發遣嗚
呼氏於今日乃可以報貧窶無聊之夫子矣若古所
稱斷臂投崖者於氏亦何讓哉邊隅得此亦可以風
矣 銘曰天山雪氏方潔渠水清氏比貞山之陽蘇
中郎水之西金日磧山水鍾靈昭史冊節婦於中隆
振之傳

續修鎮番縣志

卷十一

七

兆宅文章千古垂金石

道光丙申武威翰林張澍題邑孝廉溼陰通判謝君

余嘗謂士人不通今博古必不能宰物理民然亦有
學術淹雅及至服官而政事叢脞者何也蓋由天分
本薄而嗜欲汨之其眎民瘼不啻秦越何繇致上理
乎吾涼鎮番縣謝君集成字振之嘉慶戊午順天舉
人父葆霽為山東安邱令君年少頗染豪華習時余
在都愛其爽俊屢進箴言君不余距也臬余館選後

出宰貴州玉屏四川屏山旋秦君始就州同職居比
隣時相過從恂恂謹飭無復曩時態心異之欽其改
過之勇嚮善之誠迨余入都赴銓君補郿州黃龍山
缺歷署商州鳳翔別駕旋調補龍駒寨又檄攝磚坪
廳升滋陰通判適余自江右歸相見青門別二十餘
年矣君之在黃龍也愍百姓淳樸政不煩苛事事與
民休息暇輒與士子講論文苑勤勤惓惓若父兄之
于子弟君親老告歸士民攀畱眷戀多揮涕者先是
鎮邑學宮傾圮君主講蘇山書院力任倡捐脩葺親

續修鎮番縣志

卷十一

六

督工作規制大備又偕同人捐立崇文社助鄉會試
資斧復已餘贏脩邑志事賅文簡識者躋之龍駒寨
為商賈輻輳之地曩來官斯土者多與之交接有事
則左袒右其餘潤君君自守公庭絕估客迹磚坪
係新設界連蜀楚幅員遼闊山箐阻深五方雜處民
不畏法輕為姦宄君不厲威嚴治已寬平而竟內入
安壬辰癸巳甲午連年遭水旱民鮮食不無攘效君
捐廉優卹四遠安輯又創建嵐河書院親與士子說
經論文文風丕變捐廉八百餘兩為生童膏火凡表

節義裁糧差修祀典裕社倉諸政召次脩釐有訟者
每婉言理諭往往不願終訟輒悔過去未嘗輕用敲
扑合邑有長者之稱會屈引見期入都遘疾不起年
六十又六歸葬白亭妻閔氏先卒子三孟炳仲煥季
煇君性疏達涉學頗淺所涖之區皆有治跡乃知性
真未漓者本實心為政咸能濟民而喪良之徒雖富
藻華趨利若鶩甘心為惡怨讟煩興是民之蝨賊也
為吏者可召觀矣

江西宜黃令傅蘇麓先生殉難紀畧

續修鎮番縣志

卷十一

十九

傅公諱培峰字南山號蘇麓甘肅鎮番人拔貢生道光
甲辰舉於鄉丁未成進士咸豐癸丑部銓江西宜黃
知縣是時粵匪鴟張陷武昌據金陵江漢一帶烽火
漫天行李戒塗公攜胞姪建遠單車就道襤被蕭然
間道南行間關萬里慨然有獨任艱危之志抵任後
懃懃懇懇一與吾民相見以誠而又無一切苟且姑
息之習邑之人涵濡畏服於廉明愷澤中而相安於
無事焉先是宰吾邑者非失於寬即失於猛得公來
撫循而振作之而氣象為之一變嗚呼古所稱為衆

母頌為神君者非公其人與是年秋賊圍江西省城
全省震動吾邑驚惶迨公視事即召邑紳商行守禦
之策憂愁焦思大端具舉眾志為之稍定乙卯賊陷
瑞州吉安臨江諸郡丙辰春復陷撫州建昌兩郡樂
安崇仁兩縣不守賊遂順道直抵宜黃孤城單弱獨
懸虎口人心洶洶四境無援公於是知事不濟拚棄
一身以答 君恩矣而邑之耆老涕泣勸公出城趨
省請兵赴救庶免荼毒以全生靈是上可以報 國
下可以保民徒死無益也公痛哭領之四月官軍攻

續修鎮番縣志

卷十一

十一

撫州數戰不利相持數月糧盡矢絕引兵而退自是
撫建兩郡盡成賊出沒之區豕蛇薦食民無噍類矣
戊午江西失陷郡縣以次克復遂引大軍進剿撫建
三月四日收宜黃我公重蒞斯土痛吾民之陷於水
火也益激勵精神與搢紳士夫商度機宜籌善後之
策暉亦在局叅未議焉吾邑城外故分三鄉公命城
鄉各練勇數百人仙鄉以武舉符先聲統之岱鄉以
武舉紀鳳翔統之崇鄉以武舉鍾為棟統之城內則
以局紳通判黃秩模兼統之朝夕督練五日親閱一

次技優者賞有差又命各都戶出一丁為聯甲之舉暇則各安生業有警則鳴鑼聚集各整軍器以應調遣有不率者反覆譬喻涕泗橫流以忠義相激勸務使大義曉然無懷貳志於是萬眾傾心欬歔欲絕皆樂為公用焉八月大兵克吉安餘匪窮竄至崇仁之崇下地方與吾宜仙岱兩鄉毗連公知孤嶺及羅方嶺俱為崇來宜之要隘十九日亟命暉邀集岱鄉紳士率聯丁堵禦羅方嶺公親率城鄉練勇及仙崇各鄉聯丁堵禦孤嶺命局紳舉人程培義縣丞吳恩晉

優貢黃式度舉人黃秩滋舉人張受勤嬰城固守二十日卯刻賊由孤嶺而進我軍奮勇直前殺賊無算持至午刻軍中火藥缺乏賊遂四面堦圍冒死衝突戕武舉紀鳳翔並練勇聯丁數十人公飛馬入城閉關堅守亟命程培義吳恩晉黃式度出城催集各都聯丁接應詎知緩不能濟兵勇衝散賊遂蜂擁而至城下矣逾時破北門而入公朝服向北叩首畢即自經氣未絕而賊至賊遂執公脅之降公指賊擲罵罵不絕口大聲疾呼目眦俱裂自指其口曰有口食賊

肉耳豈食賊粟哉要殺便殺無多言賊逼問城鄉結
聯係誰主意公謂我欲圍練百姓以殺賊今不能殺
爾死賊時也命也夫復何言吾生不能啖爾之肉死
必為厲鬼以斫爾之頭兩足狂跳聲色益厲賊怒甚
遂害之昇尸於小東門外黎家墩支解焚毀幕友施
淦舉人黃秩浚張受勤同時死之男婦老幼死者不
可勝數廿一日賊退邑紳與公姪建遠同往焚所尚
留殘骸數段買棺殯殮悽愴招魂紳耆士庶無不慟
哭欲絕謂是吾民負公公不負吾民也嗚呼公於是

為不朽矣癸丑春余嘗謁公於京師語及寇亂大息
官軍之失於孱弱坐使生民塗炭辛苦流離過江諸
省已殘燬不支而文法繁密動輒掣肘雖有智者不
能展其才謀天下事尚未可知萬里孤臣死不知所
語次慷慨余已為公悲之至是大節昭昭確然一死
公真不負 國不負民不負祖宗不負所學且不負
所言矣凡有血氣心知之倫有不念公而泣然出涕
者豈理也哉豈情也哉公貌頎而長風規端肅凜然
不可犯而待人接物恂恂無忤色性剛直不阿權貴

見讀書寒士必周之自奉儉約不御鮮華其宰吾宜也布帛衣冠一飲一食不欲重耗民財而有便於吾民者無不愷切周詳斲至於事成無弊而後已賊自丙辰據吾宜兩年來剝骨敲髓民力殆盡公為稟請蠲免六七兩年地丁錢糧大吏駁回以七年下忙尚須徵繳公復以地方被難情形反覆詳陳懇切面諍大憲為之色動嗚呼公之愛吾民周且摯矣余嘗贈公詩云山城亂後草萋萋滿地哀鴻徹夜啼賴得廉明賢父母肯披肝膽撫蒼黎流亡徧集傾巢燕奸宄

難逃照水犀從此閭閻歌永定滄波何處舞鯨鯢嗚呼孰知斯言不驗而長鯨竟致怒吼也孰知吾民劫數未終而竟累公於至此極也嗚呼痛哉尚何言哉公歿後吾邑時事愈艱閩省諸賊虎視眈眈覬撫建兩郡民心惶惑惴惴有復來之慮又恐無曉暢機宜動中竅要如公者自是而愈思公不置矣雖然古之忠臣孝子從容就義克完大節死家死國正命而死者其真情至性足以貫霄壤而質幽明其毅魄英魂足以判災祥而司旱潦公生為吾邑之宰撫恤吾

民安知死不為吾邑之神而呵護吾民乎是又理之
至正而非妄言者然則公固生有所自死有所為生
不如死死猶勝生也然則吾民之叩寂焚黃被髮訴
天固不必以一死為公哀轉可以一死為公榮也嗚
呼公之殺身成仁雖死勿死使天下後世聞之其足
以振頑懦之風而起忠義之氣也固矣余不佞敢陳
顛末以紀其實云宜黃歐陽暉謹識

文縣教諭伏羗王權題傅蘇麓先生殉難靈

槐旋里
奠幃

夫子之廉貞丁陽九之厄運攬百憂以獨肩歷重坎而

彌奮豺虎紛其塞途竟窟州而穴郡操赤手以障川
埒瘠區於重鎮問資糧其馬出煮革弦以當鐔問鎧
仗其馬取揉鋤鈎以為刃率痍傷之部氓遏寇鋒之
勁迅呵妖霧而使開拔飛鏃而更進桂就焚而轉馨
玉有碎而無壘付骸骨於凶熒唯心膽之不燼彼擁
麾者誰子腰纍纍其懸印擇便地以自完識惡氛而
善遁君獨秉此剛心凜然矢其忠蓋晒將帥之皆雌
吐風雷於一噴古云仁者有勇觀夫子而益信君昔
處乎里閭固力行而有聞家縱宴而德豐色甚夷而

志峻卹孤寡之艱虞較饗殮以分潤推遺產於弟昆
負重累而幾償敦古誼於交遊每支歛而途覺躡足
則成準繩啓口斯為箴訓矧余生之暗劣乃時賢所
久擯君一函而即親拭瓦礫以儕謹既覆護其癥疵
復磨隴其頑鈍感一顧而騰驤策駑足以追駿謂相
保於歲寒庶典型之日近奄忽萎此哲人冤霜縞乎
歸櫬仕宦既已迤邐何年歲之又靳抑人生直寄耳
百年促於朝薜唯忠義者不朽視彭喬如齧齧衆人
顧而不前烈士踴以爭殉苟蹈正以無訖雖九死亦

續修鎮番縣志

卷十一

三五

矣恨獨生者之哀思懟青冥而欲問愧微官之匏繫
闕情交於奠殯緘哀辭以傾忱酬濁醪以佐醑靈烟
翊其來格停雲車而暫輟仰耿光於星躔參芒角於
辰填痛神人之道殊冀夢魂之通訊哀哉敬奠

光緒三年王溥題馬公墓誌銘

北園觀察既卒於晉邸之明年回氛遠颺隴右肅清
其孤積馨歸掃邱壟卜塋兆既還而乃扶君與夫人
之柩將歸而合葬焉禮也行有日矣持狀乞余為銘
幽之文余與君同官山右十有餘年交君既久知君

亦最深不獲以不斐辭謹按狀而為之志曰君諱服
侯字樹屏北園其號也世為甘涼鎮番人先世多隱
德至君而族大門高為邑著姓曾祖祖父三代皆以
君貴贈如官 覃恩晉封資政大夫妣皆封夫人君
幼聰悟讀書通曉大意不屑屑於章句之學識者以
大器目之未冠失怙恃哀毀如成人鄉黨稱孝子焉
堂叔蓋臣公長君僅六歲而持家嚴整獨鍾愛君君
亦事如嚴君終其身無違命君未仕時嫉末俗浮華
矯以儉素隱然有轉移風俗之志性慷慨好施宗族

戚里待以舉火者無慮數十家而鋤其德色即受者
亦若忘之待人接物情恕理遣無忤意無競心排難
解紛一鄉推祭酒焉同治壬戌回逆構釁關隴蹂躪
無完區當道者時以餉糈不足為慮君聞之輸金巨
萬督臣以實奏聞 朝廷獎叙以道員分發山西補
用並賞戴花翎嗚呼盛矣當君之將出也師旅之際
因以饑饉民無所得食君暗出藏粟設法平糶全活
甚衆而不居賑濟名維時隴西官民倚君為重不欲
其出君以既受 國恩不敢以時事艱難存觀望意

決然遂行需次太原事上接下不亢不卑先權雁平
道篆察吏愛民循分盡職故事權篆者瓜期受代時
李雨峯中丞稔君賢俾勿易時論榮之去之日輒有
去思其再權冀甯也一如其權雁平時而協恭襄贊
尤為大府所倚賴嗚呼其可志已原配唐夫人先君
卒子治公之女也係出名門夙嫻姆訓常以未逮事
翁姑為憾相夫無違操持家政秩秩如也而荆釵布
裙無富貴習氣尤徵君型于之化焉子一積馨夫人
出藍翎五品銜陝西候補布庫大使女一側室程氏

續修鎮番縣志

卷十一

二十七

出幼未字君生於道光五年三月二十八日巳時卒
於同治十二年十月三十日申時享年四十有九夫
人生於道光三年七月三十日巳時卒於同治六年
四月十六日申時享年四十有五今卜吉於光緒三
年八月二十八日將合葬於鎮番北郊之新塋丙山
壬向余既按狀志之並係以銘銘曰 伊涼雄秀鍾
毓英邁嶽嶽觀察含光內暖陳篋勅書義撮其大指
困散金意慷以慨筮仕唐封為岳牧介大府推賢與
人歌愛 帝曰俞哉錫爾鞶帶強仕懸車撫謙保秦

温温恭人維德之紀靜協琴瑟榮分黼佩各駉鸞鶴
永謝塵瑤儀式雖渝種德斯在鴨湖之澳松楸蒼翠
鬱鬱宗封子孫保艾

